



滇
繫

ル 5
3254
1



大德書局

大德書局

大德書局

南通志局

光緒丁亥
南通志局
築

凡 5
3254
1

光緒丁亥雲
南通志局彙

昭和中
六月

新

滇繫序

漢地里志益州刺史統郡
八而益州郡為古滇王國
即今雲南地漢武帝元封
二年始開郡治則在滇池

滇繫費序

一

後漢永平二年又分置永昌郡於不韋蜀漢改益州曰建甯郡別治味縣而更置雲南郡於滇池興古郡於宛溫晉以甯州刺史統

四郡則隱然為一州之地與今雲南省無異顧其地有石門瀾滄之險其人皆哀牢斯榆之遺憑阻易動故晉以後疊為南詔大理

所據不入版圖蓋古時滇
雖一隅必待天下久治而
始得得而易失又如甚
矣撫循之難也我

國家聲靈震懾緬甸南掌無

不賓服猺獠獠等諸編
氓雲南久與內地無二而
碧雞金馬靈秀特鍾其間
績學能文之士相繼輩出
均足以發山水之清華操

觚爭勝是其涵濡

聖化

於一百六十餘年之久者
深且厚矣夫參古今之權
宜審邊隅之形勢徵文攷
獻首在方志余兩任滇藩

兼署撫篆曾念通志年久
缺脩擬欲踵而葺之旋以
奉

命撫蘇不獲如願中恒歉然今

趙州師荔扉明府出宰望

滇繫費序

四

×

江政事之暇編爲滇繫一
書郵寄京師請序於余余
公餘繙閱竊喜是書網舉
目張簡而得要其首志疆
域辨職官非若廣志南中

志之僅誇方物也其次列
典故徵藝文非若黔書閩
小紀之不加區別也以繫
命名彙冊四十持論確而
取義精雲南通志迄今雖

未增脩而得是編以補多年之闕略洵足備參稽而垂久遠倘官斯土者曰是編而續纂志乘聿觀厥成於以宣揚

聖天子之威德俾滇中士農工

商莫不漸摩于禮義振興於文教太和翔洽邊界穀甯則是編之所繫甚大豈僅有裨於滇而已哉荔扉

個儻淹雅前以孝廉任學
博為余所薦剡忝有一日
之知及宰墾江又隸所屬
克著循聲故樂為序之時
嘉慶十三年歲次戊辰三

月上澣

賜進

士出身 經筵講官 太子

少保 體仁閣大學士前吏

部尚書兩江總督加三級錢

唐費溥拜謨



滇繫費序

七

三



滇繫序

方志為史家之一體非具
史才者為之不能善也昔
司馬子長以父子繼為史
官而成太史公書然其後

滇繫姚序

班寇即仕為縣長令而首
為漢書世推良史何嘗以
其職哉自是之後居史職
者往往屬諸下車不落之
才而具史才者不得居其

職是亦多矣雲南入中國
最晚古事闕軼

國家定天下幾二百年文治
遠被邊陲雲南之文獻彬
彬出焉然不得生其土地

具史才者論定之猶患不能善也大理趙州師君天下才也工詩文明吏事仕為望江知縣合生平聞見蒐輯雲南事類成滇繫一

書撰論古今之是非綜核形勢之利病兼采文物博攷故實此史氏一家之美而君以吏治餘力成之豈非其才之過人而庶幾於

舛皮之事者哉吾始識君
於懷甯後屢相接對見其
人愷弟忠信篤於友誼愛
士殷，出於至誠真世之
君子亦非獨才智之美也

今以事過吾舍出此書見
示余既取其人又樂其備
西南一方之事成外史一
家之言因書為序云
嘉慶戊辰冬桐城姚鼐揆

時年七十有八



滇繫序

滇繫一書為補雲南通志而作也述雲南地理者仿于常璩南中志而廣志益州記等繼之山則上應井絡水則下導岷江凡李膺之所記桑欽酈道元之所述無不畢詳鹽利被于西南五金之多至衣被天下其所產之地所出之山則班固司馬彪王隱沈約杜佑李吉甫等又一

真纂 洪序

一

七

著之他若經學則權輿于尹珍文章則濬源于
司馬相如吏治則王遜帝延壽所張弛武功則
張喬諸葛亮所勘定是滇雖一隅其所繫于天
下如一身之有肩背一家之有庫藏相輔而行
缺一不可也同歲生師君蒞扉以名儒出宰望
江克著政聲暇則銳意鉛槧其書之傳誦海內
者已數十種今復成此考古証今由近溯遠其

陳列利弊搜羅隱顯三邊之累畫廿郡之形勝
以迄居中馭外之規自上達下之勢言言可垂
之久遠事事莫見之施行非生長其地熟其山
川井邑而又通達世務周知治術者能若是乎
昔揚子雲之記蜀事帝述之述關中與君此書
而三矣余昔視學黔中曾以事至雲南境恨其
方志之蕪穢嘗願與當事共修之嗣以軍興不

果讀君此書可謂先得我心矣抑余尤有進者
滇銅滇鹽實為一方利害所在然鹽之害今已
奏定歸民可以不煩更制惟銅之害其在官者
州縣必實缺方運京銅往返率五六年攝缺者
少亦四五輩夔門則有守候之虞江行則有沉
溺之責津門則有剝運之苦交戶工二部則胥
吏勒索百端不至罄其家不止甚至有戕其身

者已屢見奏牘害之在民者厥民皆游手厥本
出庫已十去二三餘復供結納之資酬飲博之
費迨至流亡絕故責雖歸官而累仍在民欲除
官之弊莫如接省遞運則費省而責分欲除民
之弊莫如聽人開採而官僅設店按價購買則
游民不至擅費帑項胥吏不至任意侵漁庶一
方有限之資不至久久漸歸無著如是而官民

之光氣始復邊境之蓄積始儲即有水旱甲兵
而可以無意外之變要亦經理此方者所當豫
為之計也敢曰君言而推廣及之他日倘稽六
詔之圖撰一方之志有非此書不可者則君與
此書又當並垂不朽矣爰樂為序而行之

上書房舊史陽湖洪亮吉撰



蒙自尹紹裕書

滇繫自序

地有處一隅之僻似無與於天下之輕重而恒
足以重輕乎天下者愚者易之知者審焉滇之
視天下特身之一踝一拇耳筋骨堅定血脉貫
輸則動止疾徐胥任其意之所使苟病拘結患
腿腫固非同心腹膏膂之有關性命而七尺之
軀難免殘廢此其輕重從可知矣夫滇胎於皇

初萌折於三代立於秦步於漢蹒跚於魏晉南
北朝間翔於唐而旋痺終痺於五季與宋蘇於
元趨於明而極舞蹈之節於我

國家蓋

列聖之涵濡賢將相及督撫監司之按摩而扶掖者已
居百五十年閱壤土之綺錯則疆域所宜詳也
感文武之星羅則職官所宜述也幸嵐瘴之全

消則事畧所宜攷也懼財力之告匱則賦產所
宜登也慨流峙之爭雄則山川所宜紀也數衣
冠之競爽則人物所宜書也列典故則治亂之
循環可觀也編藝文則英哲之懷抱可揭也傳
土司則推跣之強弱可稽也別屬夷則黷焚之
風俗可該也辨旅途則輿騎之往來可指也摠
雜載則見聞之博洽可資也範不敏以案牘餘

閒秘討冥搜成書四十冊有圖有表閒綴數語
於篇末名之曰滇繫竊嘗念日月星辰繫於天
鳥獸草木繫於地君臣父子夫婦昆弟朋友之
倫繫於人耳目口鼻繫於面喜怒哀樂繫於情
金石絲竹匏土草木繫於音以奕繫秋以九繫
僚凡類此者其所繫殆無窮也書之繫滇亦猶
是顧滇究屬西南之一隅石田鳥道歲入縣官

租不敵中州一巨郡况士無二酉之藏農無百
晦之糞工無般倭之能賈無舟車之便所利惟
厥與井而無藉之徒借以衣食者日不減二十
萬口倘綜理失策輒竄據幽阻相煽構禍自

章皇帝驅盪偽孽

仁皇帝殲剗逆藩

憲皇帝滌烏蒙掃茶山

純皇帝羈孟隕懷南掌約束維持之密典章法度之隆
小有弗恭立見漂滅匪獨軼元實跨明而過之
第其境西逼緬甸南連交趾北通蒙番僅憑東
面遠達

京師要在當事者飭紀綱除弊統以勤宣

德教且取賽典赤

元咸陽王 瞻思丁

沐黔甯

明昭靖王 英

暨

昭代之蔡

緹遠將 王繼文

石

撫軍 文晟

范

大司馬 承勳

鄂

相國 伯高 司寇 尹繼善 張允隨 傅國

爾恭 楊名時 英書 協揆 之遺績而重敷之走則

忠勇 阿勇公 桂麟 之遺績而重敷之走則

為脛息則為踵而頭目肩背庶交恃以無恐矣

然則斯繫也發纏綿之隱任杼軸之勞生滇者

觀之當興經綸雷雨之思吏滇者觀之當深桑

土綢繆之計遂為之捐廉付梓廣其傳布果於

今

天子甯邊綏遠阜物化民之政少有所裨則以滇為
 股肱可也即以滇為肘腋亦可也滇之福何莫
 非天下之福哉謹序

嘉慶丁卯立冬江南望江縣知縣臣師範謹撰



受業邵隆伯敬書

例言十二則經聖畫井分疆則
 古帝王體國經聖畫井分疆則
 疆域其首重矣有土必有官
 官必有事繼之以職官即繼之
 以事畧禮樂兵刑非財官不立
 食養育非財不立衣
 賦產於山川鍾為人之物
 也

九

一

反

或謂漢無典可考茲取
集之嚴著者彙為八冊一經
課典故以典藝文則以文他
四之有本省六之重其猶重
人閒未協少為更正文敢持
生之禿菅擬作程括之諍臣
司屬夷為漠所獨分如眉列
茗蟬聯旅塗雖無干於政績
邊關隘防守者或知依撥焉
諸

繫所遺收人雜載奇思異采亦
可開顏曲說村談等之白郇此
又後六繫之竟也徽漠隸井鬼
天文星紀其理甚微輿地圖後
前史皆同今附錄於輿地圖後
蓋地則可知也我者一天行則
不地則可知也我者一天行則
竈至知者形勢關驛城池之為
疆域兵防循卓之附職官師旅

二

廿

凡例
封拜之附事畧倉儲錢瘵之附
賸產水利物餘則間入雜載縱貽
之附人譏原非作如識牽連
挂漏之費苦心
典義各費苦心
故藝文時代間有共次蓋於
開雕後方為續采既虞貲力之
窮更厭抽換之煩躁見序味貫
漑如是狀參差互見序味貫

魚而顛倒成文十慚織錦窮官
景況已畧露一瑳云
通志之缺已逾七十
古愚少宰今相國錢塘費筠浦
師撫漠時皆有意重俯乃未經
開局俱以升調去文獻無徵
滋懼為七下謹撮其畧山川不
七十名勝藝文不錄詩詞鄙意
列名勝藝文不錄詩詞鄙意

月
餘游為良丞辦省滇李
以手糾癩以之且益覽
供帑纏惟益不運以者
結錕看銅務善京食尚
納出莫之奏其局本其
之專如弊定害辦省味
用十廠未歸亦之滇之
酌已本及民甚其銅則
飲太蓋除而為初利兼
博其二民其萬大甚濟
之資三多最世中溥九

建至延三死故責歸藩司而侵
蠹之徒袖手無事誠聽人開探
而官僅設店按價購買則銅弊
或可少減其詳已列繫中經理
者尚一於黔本非正路西由粵則
通滇於黔本非正路西由粵則
二十站二於黔本非正路西由粵則
十站二於黔本非正正路西由粵則
站而後控鎮遠果能於東川阿

迷鑿石起剝建聞棊隄揚盟江
之帆則闕浙之玠鱗集於曲廣
搖金沙之楫則吳之貨輻輳
於沅者元而之楫則黔之貨輻輳
府之衢半黔也蓋黔道一阻則黔通
之迂衢半黔也蓋黔道一阻則黔通
交之衢半黔也蓋黔道一阻則黔通
復國藏滇實為三邊之黎氏甫經

土巴分掌於龍官亦可無虞惟
緬則性柔而詐路雜而險孟隕
後難保其終鮮軼思誠以重臣
之有威望者駐隴川南甸間游
巡屯種操練更番互用見機而
進戰守相兼此亦制緬善策戊
子春阿文成公曾制此議如舉
其而行之携孟養猛密木邦以剪
心腹結車里走搃耿馬以剪

五

作

其爪牙撫恤沿邊之各土司
固我藩籬地習則瘴不
足則士皆宿飽不瘴不
頰無難可以五尺組致
而蒲甘難可以列郡縣
圖矣繫中可屢見此意
時遇方克奏功李斯空
來者方奏功李斯空言
左思賦三都賦十丰潘緯吟古

鏡亦以十丰範性疎而十拙未
慣自作醕羹中想况搜輯之末非
同自撰肇始於丙寅季夏告成
於丁卯冬其閱書四種
其專為滇作者除舊志新志
艸及各府州縣井諸志外尚二
十餘部惟得寶書於檀古選貢
士模滇書於檀古選貢沐清
良友之誼確不致餘皆架上

亦為隨卷咲成允前所
非先人帙而一濟刻藏
棄刊倘廢繁之而香海者
物典廢繁之而香海者
茲故自且旋沾海冥
牽數半一列二本衡志
以冊途官十於齡謂既
貧謂轉如二他謂既
病即貽傳目人之何錢
之有話舍以之作不芷
軀他柄進示作子自汀
猶變乃復第子自汀

許堆暑相之告漠中為
藏積雨隨誤免人者
拙几以朱突究
得案暨墨起
陸間舟句難
續屢與乙
編經漕
纂浦
零擔
芟即
碎初
紙寒

凡例

七


七

委 爵 牽 去 抱 君 輩 主 掄
撰 三 邀 範 著 太 中 素 討
奇 十 一 幼 述 和 就 跡 思
發 載 承 之 錢 予 淵 訊
古 鄉 命 志 君 所 博 張
今 媛 之 庭 未 汝 知 朕 月
之 啟 榮 訓 及 嘉 始 皆 槎
淡 秘 已 長 中 姚 楊 以 侍
情 八 縻 紹 壽 君 君 仕 御
聞 萬 七 俱 覲 履 而 漢
應 里 丰 師 已 光 寬 學 兩
起 宛 之 傳 化 咸 闕 同 先

上 經 明 有 能 美 廣 擷 舞
舍 緘 經 若 成 裘 以 五 洗
洽 海 興 滁 蘭 乃 續 車 蒼
孫 甯 禮 州 冊 衆 謹 之 華
常 陳 劉 張 沅 腴 侯 腴 之
熟 秀 秀 明 傳 所 後 或 真
邵 中 中 經 半 集 賢 便 面
秀 大 開 葆 資 大 三 觀
中 基 陽 光 讎 厦 家 可
息 陽 城 桐 校 非 之 怡
多 湖 郭 城 時 一 畝 神
此 晉 漢 明 姚 則 木 以 駢

地 圖
震 南 輿 輿

并程錫清甯為成楚甯
誌秀王石邵歸點稚李
之巾上屏文安勘陳孝
荃舍董學嚴數孝廉
貴銷上隆上過廉謙
池書舍伯舍而鉦蒙
曹面光望昌寂河化
上題汾江汝為陽胡
舍籤繪檀繕精魯孝
懷則圖秀寫審孝廉
珍儀則巾則者廉之
也徵無一懷則天枉



雲南雲南府北極高二十五度偏京師之西十四度餘各府
州縣有差 井鬼分野 東西現廣一千四百里 南北
現長一千三百里 北界四川 南界交趾 東接貴州
西界緬甸 西北近蒙番 西南通阿瓦

滇國為南幹龍之始自麗江雪山左界金沙右界瀾滄由雞
足西轉廣通分昆明由曲靖而走黔入粵支派不可勝悉矣
滇西北之水皆入金沙而歸四川西南之水皆入瀾滄而歸
車里正東之水皆入八達而歸廣西正西之水皆入潞江而
歸阿瓦大江從楚雄斜界其間上發自蒙化下流入元江往

北者以東海為宗往南者以南海為歸所稱南龍九省之源
也一統志

師範曰雲南雖久濡

聖化而綢繆防禦有不可不周者以滇與黔粵蜀輔車唇齒之
勢也或謂東以曲靖為關以昭通東川為蔽南以元江為關
以普洱鎮沅為蔽西以永昌為關以騰越龍陵為蔽北以鶴
慶為關以麗江劍川為蔽又謂雲南要害之處有三東南八
百老搗交趾諸蠻以開化臨安廣南為鎖鑰西南緬甸諸蠻
以永昌順甯為咽喉西北吐番以維西中甸永北為扼塞識

此三要可以籌雲南矣元史言雲南之地東至普安路之橫
山西至緬地之江頭城凡三千九百里南至臨安之鹿滄江
北至羅羅斯之大渡河凡四千里蓋合羈縻而論之也諸郡
縣以滇池定南北而西北之水歸東海則金沙撻之西南之
水歸南海則瀾滄撻之禮社亦名大江發源趙州之弥渡經
蒙景滙臨元斜界其間是為兩迤司馬遷史記稱滇池旁地
腴饒巴蜀民或竊出商賈取其筏馬犍僮旌牛以此巴蜀殷
富而范蔚宗後漢書亦稱滇池河土平敞有鹽池田魚之饒
金銀蓄產之富人俗豪汰居官者皆富及累世由今觀之似

為誇說矣然蒙氏以一隅之力屢抗唐師又非財力雄富不
及此夫山川形勢與古不殊而休息勞徠墾田積粟使其民
成豐裕之俗惟於良司牧有厚望焉作輿地圖說

道糧儲道

兼轄雲南府
武定直隸州
至京八千二
百里駐會垣

府四廳三州四

雲南府 楚滇國漢

益州部共十
一屬州四縣

七會垣首
郡每歲科

試學使者
合武定生
童試此

通判分防南關

散州二十七

安甯州

晉甯州

昆陽州

嵩明州

縣三十九

昆明縣 附郭

呈貢縣

富民縣

宜良縣

羅次縣

祿豐縣

易門縣

道西地

兼兵備衙專轄
大理麗江永昌
順甯楚雄五府
永北景東蒙化
三廳駐
大理府

武定直隸州

古羅婺部屬
縣二至省一
百三十
五里

大理府

古葉榆地
共七屬州四
縣三提督駐
此學使按臨
麗蒙永之士
咸集至省八
百九十里
通判分防彌渡

趙州

鄧川州

賓川州 赤石崖
巡檢

雲龍州

太和縣 附郭

雲南縣

浪穹縣

大井大使 雲龍境

祿勸縣

元謀縣 金沙江
巡檢

麗江府

古花馬國

鶴慶州

麗江縣

附郭

共三屬州二
縣一鶴慶鎮

劍川州

麗江井大使

駐鶴慶至省
一千二百四里

同知分防中甸

彌沙井大使

通判分防維西

永昌府

古哀牢國

騰越州

保山縣

附郭

共三屬州一縣
二騰越鎮駐
騰越至省千
五百二十里

州判分防南甸
龍川江巡檢

永平縣
施甸巡檢
和巡檢

有學使考棚
合順甯同試

同知分防龍陵
司獄兼巡檢

劍川州境

順甯府

古蒲門地

雲州

順甯縣

附郭

共二屬州一
縣一至省一
千零五
十里

通判分防緬甯
經歷駐右甸

猛緬巡檢

楚雄府

古威楚地

姚州

楚雄縣

附郭

共七屬三州
四縣至省四

州判分防普湖

定遠縣

百二十里有
學使考棚合
三井
同試

永北直隸廳

明北勝州至
省一千二百
八十里

景東直隸廳

古銀生地至
省一千零八
十里
有學使
考棚合普洱

鎮南州

南安州

州判分防嶠嘉

大姚縣

廣通縣

鎮沅
同試
猛統巡檢

蒙化直隸廳

古陽瓜地至
省八百二十
里

瀾滄巡檢
漾漫巡檢
南澗巡檢

普洱府

古產
屬縣一至省
一千一百三

迤南

專轄普洱臨安
二府鎮沅元江
二直隸州
駐普洱府

道

十里普洱
鎮駐此

同知分防
威遠

通判分防
他郎

思茅
猛戛
經歷
巡檢

臨安府

古昫
町國

共八屬州
三縣五至省四

百三十里
臨元鎮駐此有

學使考棚
合元江開化同試

石屏州

阿迷州

甯州

建水縣

附郭

通海縣

嶲峨縣

河西縣

蒙自縣

曲江巡檢
建

新平縣

陽武堪巡檢

恩樂縣

按板井大使

元江直隸州

古因遠部屬縣
一至省八百里
因遠巡檢

鎮沅直隸州

古阿泥地屬
縣一至省一
千二百里
新撫巡檢



迤東道

專轄曲靖廣南開化東川昭通六府直隸廣西一州駐曲靖府屬之尋甸州

曲靖府

漢興古郡

共八屬州六縣二至省三百里有學使考棚合東川昭通試此

霑益州

炎松巡檢

南甯縣

附郭白水巡檢

陸涼州

羅平州

馬龍州

尋甸州

宣威州

易古巡檢可渡巡檢

澂江府

古俞元地

共四屬州二縣二至省一

百二十里有學使考棚

新興州

路南州

河陽縣

附郭

江川縣

寶甯縣

附郭

廣南府

宋特摩道

屬縣一至省八百五十里經歷駐富州

開化府

古紅夷國

屬縣一至省七百二十里

文山縣

附郭



開化鎮
駐此
同知分防馬白

東川府
漢朱提郡

地屬縣一至
省五百三十
里

經歷駐巧家

昭通府
漢牂牁郡

地共三屬州
一縣二至省
一千二百六十
里
昭通鎮駐此

鎮雄州

州同分防晏良
州判分防威信
母享巡檢

會澤縣
附郭

則補巡檢

恩安縣
附郭

永善縣

縣丞駐副官村

同知分防大關

通判分防魯甸

知事駐牛街

古寨巡檢
津渡巡檢

直隸廣西州

漢牂牁郡地
屬二縣至省
四百里有學
使考棚合廣
南同試

州判分駐五槽

師宗縣

縣丞分駐邱北

彌勒縣

竹園村巡檢

鹽法道

駐雲南府專轄
提舉司三其距
省少遙之五井
則兼轄於附近
之府

白井提舉司

駐姚州境
屬大使二

黑井提舉司

駐廣通縣境
屬大使二

琅井提舉司

駐定遠縣
境無屬

白鹽井大使

安豐井大使

黑鹽井大使

阿陋井大使

鹽道司雖務較四道似少簡然自計口授食而州縣之不善奉行者信任胥徒苛
擾百端官遂以民為仇民亦視官若寇丁巳三月挖眼剔筋幾成大案適書節使
初中丞以民運民消入 奏既定局民心始靖惟異職此者守而不變無令
紆組之徒再擅牢盆之利則所以操演民生死之命者脈四道為更重也

師範曰所繫各府之先後少異於省志非敢以草野
之筆自創體例蓋滇分四道雲南武定乃糧儲道所
轄首列之次則西道駐大理軍門之節在焉麗江以
邊番永昌以捍緬楚雄衛大理順甯衛永昌永北則
衛麗江蒙化景東間俱有險可扼由西而南新設南
道於普洱巖疆重地防禦宜嚴臨安接交控夷與元
鎮互相倚毗其利害較西為尤速惟東道治曲靖之
尋甸昔稱要路今成坦途澂江廣西固屬腹裏即廣

南開化牙錯金潯東川昭通襟聯玉壘而

醇化所洽咸遵

王路矣夫道即古之觀察藩司提錢穀臬司提刑名道則兼之加兵備衛者戎伍亦所當問也道盡厥職其效易於藩臬今視道若冷曹而為道者亦以冷曹自視豈

國家建官安民之意哉茲特以道繫府故為之明揭其自作輿地表說

分野辯

古今人屢辯而終不可辯者莫甚乎分野之說矣天與地精氣相感地有是形天即有是氣故在天為分星在地為分野是亦理之可信者也自周禮保章氏以星土辨九州之地後世儒者莫不宗之但星經既亡今所據者止班固所著漢志鄭康成引十二次之分以相屬而魏太史令陳卓更分繫二十八宿悉載郡國各所值宿度可謂詳矣然即其言攷之其可疑

不止一端揚在東而星紀則在北雍在西而鶉首則在南冀在北而大梁則在西齊魯俱在東而降婁乃在西元枵又在此是躔次之參差可疑也衛在河內與并無涉也乃衛不屬豫而屬并魯在山東與徐無涉也乃魯不屬兗而屬徐晉在太原與益無涉也乃晉不屬冀而屬益是州郡之錯互可疑也夫州郡錯互則地與地不相合躔次參差則地與天不相合夫既不相合若此尚欲泥其書以驗災祥而決休咎豈

有當乎論者以為分野占驗自古不爽當時必有所據而然或云封國之年其歲星所在之辰即屬分野則同歲受封者必多何以齊魯宋鄭諸國各分躔次而絕不相侔此不問而知其非也唐一行則云星之在土以精氣相屬不係乎方隅其占驗以山河為界不主於州國其說似矣然不過意為揣測耳又安能取夫參差之星錯互之地條分縷析一一相配而錙銖不爽也哉且不特此也天以下大矣廣矣決不止

於中國也雖鄒衍之論迂誕不足深信然既謂之中
國則東西朔南之為外國者不知凡幾其分星分野
當必無異攷昂畢之界曰天街天街者中與外之交
也天之不詳內而畧外可知也必若諸儒之論是天
已盡於中國而中國之十有二州已盡天之三百六
十五度矣豈理也哉或曰五車五星其次舍在畢星
書謂主秦趙七國北斗七星其次舍自張而角星書
亦謂主秦楚七國或又曰牛女下有十二國星東起

越西至鄭鄭夾滌謂天之所覆廣而中國所占止此
十二星或又曰天市垣有列國星二十二起宋至河
中所謂分野者指列國諸星而言也夫五車北斗何
所見而謂主七國星書固不足據牛女下之十二星
天市垣之二十二星在天業有其象則列國之休咎
自應於此星占之較之十二次分野之言似為勝矣
然中國所占僅此則此外之災祥皆可置而不論又
何以五星聚井而沛公帝彗星掃秦而符堅危熒惑

守心而宋憂景星見尾而燕盛也哉吾故曰辨之而終不辨者分野之說也


師範曰天文星紀之說已見例言中茲復得山陰姜君祿分野辯喜其與鄙意相合因補錄之然據河山兩戒考東井與鬼鶉首也初東井十二度餘二千一百七十二秒十五太中東井二十七度終柳六度自漢三輔及北地上郡安定西自隴坻至河右西南盡巴蜀漢中之地及西南夷犍為越巂益州郡極南河

之表東至牂牁古秦梁幽芮豐畢駘杜有扈密須庸蜀羌蒙之國東井居兩河之陰自山河上流當地絡之西北與鬼居兩河之陽自漢中東盡華陽與鶉火相接當地絡之東南鶉首之外雲漢潛流而未達故狼星在江河上源之西弧矢雞犬皆徼外之備也西羌吐蕃吐谷渾及西南徼外夷人皆占狼星又據天王會通井主水衡法令中平之事物之平者莫如水故營國制城畫野分州皆取象焉鉞附于井所以斷

也北河為北戒曰陰戶自壺口北負微垣東抵穢貊
朝鮮以為北紀為陰國主征伐之政南河為南戒曰
陽戶自弘農函谷絕江漢達嶺循漳東抵於越東甌
以為南紀為陽國主禮樂之政地理有南北二絡于
東并徵之矣鬼主祭祀事祖考之象中央積尸所以
象神也後天卦位西南坤方萬物皆致養焉故曰致
後乎坤潤萬物者莫潤乎水故又曰井養而不窮井
宿列于西南致養之義也養莫大于敬老恤孤祭祀

者追養繼孝之事也此二段論理極為精確如昔歲
教匪苗匪獯匪之變秦蜀滇黔晉受其害柳星張翼
軫五宿皆與井鬼相連楚豫之間亦復不靖今後天
文樞要中摘繪井鬼二宿圖並載歌訣占詞于後使
守甘石之言者免譏其迂執而習推步之學者或有
所折衷焉顧捫籥扣盤自詡胸羅星宿而立圭樹表
徒誇掌列山河尤祈海內英流匡其謬誤更望林間
舊雨長我見聞是詹詹者或可借以不朽矣

井宿圖



東井

三十四度九度入未秦分雍州巨蟹宮鶉首之次鶩
蟄春分昏中秋分白露旦中

歌曰八星行列河中淨一星名鉞井邊抽兩河各三南

北正天罇三星井上頭罇上橫列五諸侯侯上北河西

積水欲覓積薪東畔求鉞下四星名水府水位東邊四

星是四瀆橫列南河底南河下頭是軍市軍市團圓十

三星中有一箇野雞精孫子丈人市下列各立兩星從

東說關邱兩箇南河東邱下一狼光蒙茸左畔九箇彎

弧弓一矢儼射頑狼胸有箇老人南極中春秋出來壽

滇繫星紀圖

無窮

占曰井八星赤在河中主水泉為天之南門日月五星貫之為中道石氏謂之東井亦曰天井王諸侯帝戚三公之位天之亭候水衡法令之所取平也三光之行必由其中雖經之不得留之欲明而端

鉞一星附井口第一星邊三寸主伺奢淫而斬之不欲大明大而明則斧鉞用

南河北河各三星赤分夾東井為南北界一曰天高天

之關門主關梁南河曰南戒一曰南宮一曰陽門一曰越門一曰權星主火北河曰北戒一曰北宮一曰陰門一曰胡門一曰衡星主水兩戒之間三光之常道也七曜之所當行行而過之則吉不得久留兩河星明則天下安

天罇三星黑在井東北五諸侯南主盛饘粥以給酒食其星明則吉

五諸侯五星赤在井北一曰帝師二曰帝友三曰三公

四曰博士五曰太史又曰五大夫此五者常為帝定疑
議其星欲均明明大潤澤則天下治王者吉輔臣忠
積水一星黑在北河之北一曰聚水主聚美水以給天
子酒官也又曰主候水災明則天下安宴享禮行
積薪一星黑在積水東南主聚薪以給享祀供庖厨也
明則五穀熟享祀脩庖厨足

水府四星黑在井西南鉞星下水官也占與水位同
水位四星赤在井北主水衡又主溢流也石氏謂衡象

水水平而後流其星微小如常則天下安

四瀆四星黑在井之東江河淮濟之精也星明大動搖
則水泛溢

軍市十二星赤如錢狀在井西南天軍貿易之市市中
小星聚則軍食足

野雞一星黑在軍市中主知變恠又曰野雞將也主屯
營軍法之號令也

丈人二星黑在軍市西南國之老臣也不見則人臣不

得通

子孫各二星黑在文人東所以侍丈人而扶持之守常則吉

闕邱二星黑在南河東主布象魏列尊卑天子之雙闕也


狼一星赤在井東南為野將其星欲黃白無光

弧矢九星赤在狼東南天弓也外一星矢也主備盜賊故常注矢以向狼若弧不張矢不直則盜賊不禁

鬼宿圖



燿



積尸氣


天紀



天狗



外厨



天社

滇繫星紀圖

輿鬼未二度秦分雍州巨蟹官鶉首之次

歌曰四星冊方似木櫃中央白者積尸氣鬼上四星乃為燿天狗七星鬼下是外厨六間柳星次天社六箇弧東倚社東一星是天紀

占曰鬼四星赤主視明察奸謀天目也為日月五星中道一曰天廟主祠事又主病疾死凶東北星主積馬東南星主積兵西南星主積布帛西北星主積金玉隨其變占之中央一星名積尸白如粉絮如雲非雲如星非

星見氣而已只欲其忽忽不明則安

燿四星黑在鬼上軒轅尾主烽火倏警急其星不欲明又不欲凶小而不明則天下安

外厨六星黑在鬼南天之外厨也占與天厨同

天紀一星黑在外厨西南主知禽獸齒歲

天狗七星黑在鬼西南橫河中以守賊也

天社六星黑在弧東南主社神其星明直社稷安

按井鬼二星已據字內之半滇則于井得一于鬼得三

若用勾股法積分以求各郡縣亦可璧合珠聯第天道
元微驟難揣度唐之李淳風元之郭守敬猶有挂漏而
况其他乎故圖之而又為之論有如此嘉慶庚午穀雨
後三日記于宋氏寓齋時塔南玉蕊花大放微風披拂
飛墮几硯間香襲鼻觀夫天下惟閒則靜靜則眾妙生
焉以視往歲催徵籌兌疲倦欲死蓋不僅雅俗之別矣
彼戀戀于銅章墨綬至老不厭者豈真有貪狼星照命
哉

受業釋智光敬書

滇繫總目

文林郎江南安慶府望江縣知縣趙州師 範纂輯

第一冊

疆域上

第二冊

疆域下

第三冊

職官全

第四册

事畧全

第五册

賦產全

第六册

山川上

第七册

山川下

第八册

人物全

第九册

典故一

第十册

典故二

第十一册

典故三

目錄

第十二册

典故四

第十三册

典故五

第十四册

典故六

第十五册

典故七

第十六册

典故八

第十七册

藝文一

第十八册

藝文二

第十九册

藝文三

目錄

三

真經總目

第二十册

藝文四

第二十一册

藝文五

第二十二册

藝文六

第二十三册

藝文七

第二十四册

藝文八

第二十五册

藝文九

第二十六册

藝文十

第二十七册

藝文十一

真經總目

第二十八册

藝文十二

第二十九册

藝文十三

第三十册

藝文十四

第三十一册

藝文十五

第三十二册

藝文十六

第三十三册

藝文十七

第三十四册

藝文十八

第三十五册

土司上

第三十六册

土司下

第三十七册

屬夷全

第三十八册

旅途上

第三十九册

旅途下

第四十册

雜載全

梓人江甯

周永言
王彞書

監刻工書王

珩

檢査

休甯戴耀

婺源曹文

滇黔書目

滇黔書目

疆域一冊上

趙州師 範荔扉纂輯

總論

雲南布政司

雲南府

武定直隸州

大理府

麗江府

滇黔一之二

疆域目錄

有蠶叢劍閣之崎嶇也非有沃野千里之富饒也祇以山高
箐密路遠林深諸夷人所窟穴而盤踞者或雜處于內地或
環繞于沿邊無事則闢草而耕疇非樂土有事則依山爲勢
卽是鴻溝滇中形勢較他省獨異所以論滇中疆域亦當較
他省各殊然訪武侯之經畫攷蒙段之紛更山川地利大概
可睹使措置失宜將所藉以爲固者或非其所必爭所據以
爲守者或非其所當出吾嘗浪遊兩地流覽山川有以知其
疆域之夷險輕重焉內而昆明爲省會之區巨浸則昆池浩
淼危峯則太華嵯峨沃野平鋪羣山四拱而雄踞中央者堅

城高峙深池周環閭閻接地羅十萬之人家戈甲連營擁八
千之組練商賈輻輳烟火葱蘢信哉南服一大都會也外則
平彝者滇之門戶曲靖者遙應黔蜀近控猺夷樞紐之地也
由武定以達建昌由霑益以至畢節皆通蜀之道也東川昭
通雖已設流然地廣山深夷種甚夥不可不有以預防之尋
甸是其隘也魯魁雖已甯靖然地甚寬山更險彼可以來我
不可以往夷人剽悍每以劫掠漢人爲其生計自景東以及
楚雄之妥甸與易門嘗我新平臨安元江諸處沿邊千餘里
在在皆其出沒之所雖臨安有鎮元江有協新寶安甸景東

皆有營易門塔隴界牌皆有汎然禦之最難備之宜謹不能保其不竊發也元江普洱孤懸夷境廣南接壤西粵距昆明尤遠而中道聲援遼闊其繫于滇也猶滇之繫于中國可以不有而不可不有也蒙自開化俱係通交之道而開化僻在東南與元江廣南遙相聯絡地接彌金日南之界一鎮以彈壓之何可少也此迤東之大概也迤西則蒼山洱水據其上游大理者西連永順南接蒙景北帶鶴麗永北東俯楚姚爲昆明之應固滇西雄鎮以提標駐之宜也其跨於北者則麗江達於中甸乃烏斯藏之衝前阻金沙後依鶴慶然其要在

江而不在鶴也劍川亦中甸之別徑所以爲獠狽之防實以爲麗江之翼也雲龍羊腸一線在萬山中左望劍川右顧永平不但鹽井之利亦藩籬之助也其僻於東北者姚安永北連壤川南永北則獨居江外路通建昌逼近吐番尤偏而且要也其峙于西南者永昌遠隔蘭津峻嶺崇山獨處極邊之末然地土肥饒城池堅壯內而屏障九郡外而鎖鑰諸夷西南重鎮無以踰此騰越又距其西兩江內阻八關羣列近控三宣遠駕六慰一府一州自相連接而緬甸車里孟連耿馬之屬胥于此有維繫之勢則又最遠而最要之地也滇南居

天下之西南隅自平彝至騰越縱延二千餘里皆三面環夷獨以東面臨天下而永騰亦三面環彝獨以東面臨滇滇爲中國之犄角永騰亦滇之犄角也至若順甯最爾之區似無煩于籌措然界在沿邊往者莽賊入寇剖孕婦爲卜得女則由順甯而入是可鑒也此迤西之大概也他若楚雄乃滇西之莊達廣西亦苴蘭之羽翼其餘坦易無係安危滇之形勢在于此所以制滇者亦在于此而余更有進者從來有一定之形無一定之制時不同則制變有一定之制無一定之功人各異則功殊嘗攷滇之先有錢能楊榮諸閣之縱肆則流

毒蒼生幾開邊釁有賽典赤父子及張立道諸公之賢良則民受其福國賴以安他如鮮李之喪師辱國劉深之啓禍窮兵張繼孟笑談殲逆坐收不戰之功劉安世黷貨媚奸遂致諸夷之叛清介如楊竦鄭純張翕王阜梁毗之輩何民之不克化勇略如傅友德沐英藍玉蔣貴方政劉綎鄧子龍之流何亂之不可戡無韋皋之招徠則南詔未必歸唐無太弟之專征則段氏奚能平定是皆滇中往事彰彰可考者至於彝人之禍處處有之雖係荒僻之區而無處非受兵之所良由此輩近處肘腋無事則易狎易玩有事則最便最近如昆明

江表
有沙定洲之亂兩迤皆受其屠毒霑益有土婦設科之亂而東川祿千鐘阿伽武定張世臣俱應之阿迷有普名聲之亂元謀有吾必奎之亂尋甸有安銓之亂楊理海沖之亂武定又有鳳朝文之亂鳳繼祖之亂鄭舉阿克之亂元江有那鑑之亂大姚有甯安毋猴等夾之亂順甯有猛庭瑞之亂莽應龍之亂永昌有思倫之亂而又寇景東定邊有刀斯郎之亂亦思倫之部屬也其後思任思機父子與岳鳳莽瑞體等先後負固麓川孟養間至動天下之兵三征而後定之是諸夷者或自外來或自內發率皆變起倉猝遂致蔓延小則一州

一縣大則一郡數郡塗炭生民蹂躪疆宇焚殺屠掠靡所不至受禍之慘不可勝道此豈形勢所得而遏之者哉約而言之全滇之境東向黔陽西通緬甸南達兩粵交趾北距西蜀吐番山盡連延鮮終朝之坦道水多谿峽無百里之方舟歷代以來紛更相續莊躡開基就苴蘭而建國蒙段竊據憑蒼洱以爲都當其荆綦未剪原屬偏荒華路之區及今郡縣久開漸躋文物冠裳之盛乃有陸梁狡帥跋扈強藩往往恃其險遠夜郎自大攘以叢奸因之鼓亂然而諸葛揚旌雍閩授首穎川仗鉞爾密沈淵始肆梗頑終歸覆滅曩者吳逆稱戈

滇東
敗不旋踵此其近事尤可鑑者形勢又安足恃哉善治滇者亦惟在文武守令將弁慎擇其人當承平之日能潛消默化於未事之先而後形勢者斯可藉以爲固故得其人則衆志可以成城非其人則天塹之險投鞭可渡函谷之阨丸泥可封自古皆然也天下皆然也况於滇中哉劉先生之言如此雖有作者不復能易錄之卷首則滇中疆域如指諸掌云

雲南布政使司

滇在西南邊徼其地東至廣西泗城府界七百五十里西至神護關接野人界一千七百六十里南至交趾界七百五十

里北至四川會理州界四百里東南至廣西鎮安府界一千一百四十里西南至天馬關接緬甸界二千三百一十里東北至貴州普安州界四百三十里西北至土番界二千里東西廣二千五百一十里南北袤一千一百五十里自省達

京師八千二百里○殷周時爲蠻夷所居或曰卽百濮之國也漢武帝元封二年開西南夷滇王降以其國置益州郡後漢增置永昌郡亦屬益州部三國時爲蜀漢地又分益州置交州後主建興二年改爲建甯又增置興古雲南二郡以去中國遠置庾降督于建甯總之遙領交州刺史今曲靖府廢味縣是其治也晉泰始七年改置甯州太康三年復省入益州立

南夷校尉以護之大安二年復置甯州自是郡縣增置益多咸康四年

分置安州晉春秋大甯以後甯州沒於李蜀咸康四年蜀李壽篡立分鮮于夜郎朱提越巂置安州既又分

興古永昌朱提雲南越巂河陽六郡置漢州明年甯州復為晉有晉宋志皆云是年置安州蓋即李壽所置而晉因之故

云八年仍并入甯州晉志是年以越巂郡還屬益州宋齊因之梁大同中改

置南甯諸州承聖末沒於羣蠻隋開皇十七年復開南中仍

置南甯州後又領于益州都督府唐武德四年置姚州管羈縻州

三十貞觀六年於戎州置都督府督南中一十七州後因之

會要天寶元年戎州督羈縻三十州一百三十七縣並荒梗無戶口自開元之季南詔漸強

天寶九載遂有雲南之地僭國號曰大蒙貞元十年改國號

曰南詔太中十三年改稱大禮光化四年國亂改稱大長和

後唐天成三年國號大天興明年稱大義甯石晉天福二年

屬于大理宋初因之自熙甯八年以後段氏衰元祐元年高

氏代立號大中元符二年段氏復興號後理淳祐十二年元

太弟滅大理元至元十三年立雲南等處行中書省治中元慶路

亡梁王把匝刺瓦爾密及段明分據其地洪武十五年討平

之始置雲南等處承宣布政使司領府共二十二內羈縻者

十一州共四十二內羈縻者亦十一縣三十內羈縻者二又

西南宣慰司六宣撫司四安撫司二長官司共一十四而衛

所諸司則參列其中今領府十四直隸州四直隸廳三散州
二十七縣三十九分駐同知六通判六州同一州判五經歷
三縣丞二知事一提舉司三鹽大使九巡檢司二十五

雲南府

卽會城其地東至澂江府路南州界一百二十五里西至楚
雄府廣通縣界二百四十五里南至澂江府新興州界一百
五十五里北至曲靖府尋甸州界一百四十三里東南至澂
江府河陽縣界八十四里西南至楚雄府南安州界四百二
十二里東北至尋甸州界二百三十里西北至武定州界一

百六十里東西廣三百七十里南北袤二百九十八里附郭

為昆明縣東至嵩明州界六十里西至安甯州界四十里南

至宜良縣界一百二十里西南水路至昆陽州界七十

里東北至嵩明州界五十里西北至富民縣界四十里

北七十里為富民縣東至嵩明州界三十里西至羅次縣界

定州界四十里東南至昆明縣界五十里西南至安甯州界

三十五里東北至曲靖府尋甸州界四十里西北至羅次縣

界三十里府東一百二十里為宜良縣東至澂江府路南州界二

里南至澂江府河陽縣界三十里北至嵩明州界三十里東

至祿豐縣界一百二十里東北至富民縣
界二十里西北至武定州界三十五里
甯州東至澂江府河陽縣界五里西至昆陽州界三十里南
至河陽縣界十里北至呈貢縣界五十里東南至河陽
縣界十里西南至澂江府江川縣界五十里東北
至呈貢縣界八里西北水路至昆明縣界八十里
府南四十
里為呈貢縣東至宜良縣界五十里西至昆明縣界十里南
至澂江府河陽縣界四十里西南至晉甯州界五十里東
北至昆明縣界四十里西北水路至昆明縣界四十里
府
西七十里為安甯州東至昆明縣界二十里西至祿豐縣界
次縣界六十里東南至昆陽州界二十里西南至易門縣界
九十里東北至富民縣界六十里西北至羅次縣界七十里
府西北二百一十里為祿豐縣東至羅次縣界三十里西至
南至易門縣界一百二十里北至廣通縣界三十五里東南
至安甯州界九十里西南至楚雄府南安州界七十五里東

北至武定州界四十里西
北至廣通縣界二十五里
州界二十里西至易門縣界九十里南至澂江府新興州界
三十里北至昆明縣界四十里東南至澂江府江川縣界五
十里西南至楚雄府南安州界三百二里東北水路西南二
路至昆明縣界五十里西北至安甯州界八十里
府西南二
百五十里為易門縣東至昆明縣界三十里西至楚雄府南
安州界一百里南至臨安府善莪縣界
六十里北至祿豐縣界三十里東南至昆陽州界三十五里
西南至善莪縣界六十里東北至安甯州界三十五里西北
至南安州界一百三十里為嵩明州東至曲靖府尋甸
州界一百里
府東北一百三十里為嵩明州東至曲靖府尋甸
州界一百里
昆明縣界七十里南至昆明縣界六十里北至尋甸州界十
五里東南至宜良縣界三十里西南至昆明縣界七十里東
至東川府界二百里西
北至富民縣界六十里

禹貢梁州南境殷周時為徼外西南夷地戰國時楚莊躋略

地至此竊其地號曰滇國漢元封二年滇王降始置益州郡

取疆壤益廓之意漢書武帝求身毒道始通滇國是也蜀漢建興三年改為建甯郡

縣晉因之惠帝永安二年又增置甯州郡懷帝永嘉二年改

為晉甯郡宋齊並因之梁陳間廢隋初立昆州尋廢唐初復

置昆州屬姚州總管府貞觀四年改屬戎州都督府天寶末

沒于南詔廣德五年鳳伽異增築之曰拓東城

南詔于東境置拓東節度言將開拓東境也為六節度之一六節度者曰

拓東曰弄棟曰永昌曰銀生曰劍川曰麗水云六世孫券豐

祐改稱鄯闡府鄯闡猶言別都也滇記蒙氏名都曰苴咩別

都曰鄯闡志云尋閣勸改太和城為西京鄯闡曰東京隆順時又改西

大理因之段氏時以高智昇領元京曰中都東京曰上都云

初置鄯闡為萬戶府至元十三年改中慶路明洪武十五年

改雲南府領州四縣九 國朝因之康熙八年省歸化入呈

貢三泊入昆陽府舟車四達帶海襟山西南奧區實為稱首

焉

昆明縣附郭漢為滇池縣地隋為昆州境唐為晉甯縣地元初

立二千戶所後改置善州領昆明官渡二縣尋廢又並官渡

入焉今因之

拓東城今府城也南詔所築後改曰鄯闡府城元日中慶城明

洪武十五年建雲南府改築府城周九里有奇設門六

南曰麗正西曰寶成東曰咸和北曰拱辰西南曰威遠俗謂

之小西門東北曰敷澤俗又謂之小東門萬曆四十八年重

真紫一之一 疆域

修門各有樓四隅亦各有樓環城有河可通舟楫其外又有重關相護形勢頗壯

苜蘭城

漢置益州郡有穀昌縣後漢因之華陽國志云漢武帝時將軍郭昌平滇中因名縣為郭昌縣以威夷人孝章時始改曰穀昌今班志作穀昌城則非章帝時改也晉時仍為穀昌縣屬建甯郡宋齊因之梁陳間為蠻所廢傍有玉女城志云元時梁王所築秦城在府西漢縣屬益州郡後漢因之晉屬建甯郡南渡後屬于晉甯郡宋齊因之

後廢唐復置秦城屬益州郡天寶中沒于南詔

建伶廢縣

在府西北漢縣屬益州郡蜀漢屬建甯郡晉因之永郡宋因之元嘉十八年晉甯太守爨松子叛甯州刺史徐循討平之齊時亦為晉甯郡治梁時乃沒于蠻益甯廢縣在府西唐時昆州治也唐志昆州所領有益甯等縣後廢又有官渡廢縣在府東南三十餘里元時置縣尋又廢入昆明縣

高堯關城

在府城西為關津總要之處也碧堯精舍記滇海西斥舍舟登陸俗亦曰高橋稽之古志橋實曰堯以山

形似秦堯關之故也高堯與碧雞相望有如箭括然

金馬關

在府東七里金馬山下舊有關城元築今廢又碧雞山名稍西為通濟橋跨金稜河上元未梁王殺平章段功于此今水涸而橋存又伽橋在府西北元至順初

伏雲南取安甯州將抵中慶賊拒戰于伽橋古壁中復敗之

板橋驛

府東三十里又東達于楊林廢縣六十里洪武初沐英巡司與富民縣接界又武定夷入犯必取道于此又縣境有赤水壩巡司俱裁長樂寺在城南俗呼為西寺又有覺照寺俗呼東寺唐貞觀初建各有塔高十

三丈俗呼雙塔覺照寺一名慧光寺云

富民縣唐初為昆州地天寶以後沒于蠻烏蠻酋若門步末始

築為降龍城號黎灑甸元至元中立黎灑千戶所移改今名

富民故縣

舊治在安甯河南梨花村旁尋徙大河北嘉靖中以河流泛溢復遷河南土主村萬曆中復徙治大河北

舊無垣崇禎十三年始營城

後陞周三里有奇即今治也

宜良縣陳隋時蠻首羅氏築城號囉褒籠夷謂城為籠也唐為

昆州地元初立宜良匡城及大池千戶所至元中改置宜良

州領大池赤水二縣後改州為縣並二縣入焉今因之

大池廢縣

在縣東元大池千戶所治此後改屬縣廢又赤水廢縣在縣西元置縣後為赤水壩巡檢司志云赤水

今入昆明縣境

湯池驛

在今縣西北三十里有湯池其水百沸如湯因名湯池西至府城九十里

羅次縣古壓磨呂村烏蠻羅部農落禪居此宋時大理高量成

令高白蓮慶治其地元至元中置羅次州隸中慶路後改為

縣屬安甯州明因之宏治十二年改屬府無城 國朝始築

羅部城

今縣北舊時蠻酋恃險之處也亦曰羅部府元史兀良

合刺章水城屠之前羅部府夷酋高昇集諸部兵拒戰大破

之于夷可即遂進至烏蠻所都押赤城三面皆水既險且堅

選驍勇以砲推其北門縱火焚之皆不克乃大震鼓鉦進而

作而止使其不知所為如是者七日伺其乏夜五鼓潛師躍

入亂斫之遂大潰至昆澤擒其王

扶邪城

在縣境南詔有扶邪都統實錄云扶邪

晉甯州漢益州郡滇池縣地晉隆安初置晉甯郡于此沈約宋

郡舊縣也晉初屬于建甯郡今改從一統志 隋開皇中置

昆州尋廢唐武德初開南中復置昆州領晉甯等縣後入于

蒙氏為陽城堡部段氏因之元初置陽城堡萬戶府至元中

改置州今因之負山帶河腴田沃壤

晉甯廢縣 志云州有內城蒙氏所築即陽城堡也有外城周七

呼為古土城明成化宏治中皆因故址

築土墻萬歷四年始築磚城周圍三里

天女城 在州西晉太安中李毅為益州部南夷校尉病卒女秀

明達有父才權領南中城蓋以秀之所築而名也 又

有大浦城在今州之南二十里有

餘元至正十年置縣尋省入州

呈貢縣舊有呈貢城為烏白步門步莫能徒焚五種蠻所居元

初立黃貢千戶所至元中改為晟貢縣至明初改為今名今

以歸化入焉

伽宗城 在縣治西大理段氏時

土官伽宗所築因名

安甯州古滇國螳螂川地漢為益州郡之連然縣晉初屬建甯

郡宋齊因之隋初屬昆州唐武德初改置安甯縣仍屬昆州

天寶陷于蠻 滇記天寶初越嵩都督竹靈倩置府東爨通安

陷安甯即此城也 後為蒙氏所據 蒙氏以蘇閉阿衰治此滇

步頭今臨安府治 南討命南詔皮羅閣擊平之九載南詔益強諸爨微弱寇陷

姚州遂攻安甯會鮮于仲通將兵南討乃解圍去及仲通敗

遂取安甯十三年李宓討南詔自安南而北進 段氏因之 高

取安甯及鹽井未幾敗沒安甯遂沒于南詔

疆域

氏守其地元初其地隸于陽城堡萬戶府至元初立安甯千戶所後改爲安甯州今因之據會垣之肘腋實西池之門庭

江東廢縣

在州東南又州北有青龍城皆昔蠻酋恃險處州志舊志有安甯守禦所城洪武二十四年築周二里有奇萬歷四年始建磚城于舊土城北爲州治周四里有奇云

祿豐縣古爲祿豐甸之白村棘蠻居之其地瘴熱遷徙不常大理時高智昇子義勝治其地元初隸安甯千戶所至元中置

今縣

驥琮籠城

在縣東北山上又縣南有巔哀城皆昔蠻酋恃險處

昆陽州漢益州郡昆澤縣地晉屬建甯郡宋齊因之隋屬昆州

後復廢唐初亦屬昆州尋廢一統志蕭梁時土人爨瓚者此隋時南甯夷爨瓚來降拜爲昆州刺史治于此麟德初置河東等處二十四羈縻州隸嶺州都督府後改隸黎州天寶中沒于南詔五代時大理段氏有之爲巨橋城以高氏世治其地元立巨橋萬戶府至元中改爲昆陽州明因之控滇池之津要扼螳川之上游

巨橋城

今州治卽大理段氏所置作巨橋城者是也屬鄯闡府元時立巨橋萬戶府于此尋爲州治明正德四年始營築州城周三里有奇沿山附海又築堤以廣城基云

望水廢縣

在縣西南唐武德七年置南龍州貞觀十一年改鈞州治望水縣兼領唐封一縣尋廢劉昫曰鈞州東北

真紫一之一

疆域

接昆州界廢河西縣志云在州之河西鄉元至元中置尋入州

三泊廢縣

龍城于此隸鄯州府元時屬巨橋萬戶府至元中改

置縣康熙

河東城

在三泊西北十五里有餘唐時河東州蓋置于此土人稱之為華納城至天寶中乃廢

易門縣舊時為烏蠻酋仲磨由男之所居也地名市坪村大理

時高福世守于此元立夷門千戶所屬于巨橋萬戶府至元

中改置今縣

易門城

在今縣南三十里舊縣治于此洪武二十四年建易門守禦千戶屬于雲南都司築城戍守萬曆三年遷縣治于所城之內云元志縣之西有泉曰洩源俗訛曰易門

嵩明州古滇國漢為益州郡地隋為昆州地

一統志古烏蠻氏等據此築沙禮

臥城後為枳氏所奪因名枳磴後有漢人築金城唐時入于于此日長州因築臺與蠻盟故名其地日嵩盟

蒙氏大歷初閣羅鳳置長城郡宋時大理段氏改為嵩盟郡

元初置嵩盟萬戶府至元中改為長州尋升為嵩盟府後復

改為州洪武初因之至成化中始改曰嵩明州

金城

在今州之西南漢人所築也志云金城南有諸葛武侯與夷插盟臺嵩盟之名本于此明宏治十三年于州治建土

城隆慶二年始易以磚城周三里有奇邵甸城在州西四十里本名東甸蠻語東為邵元初立邵甸千戶所于此至元中改置縣屬于嵩

盟州洪武中省

楊林城

在州東南三十里城周四里昔為車氏枳氏麼氏斗氏四種蠻所據元初立陽林千戶所至元中改為陽林縣

真紫一之一

疆域

五

九

屬于嵩盟州明初因之成化中省又有楊林舊城在今縣西南二十五里今為楊林驛西去今府城百里為往來必經之道也

集興籠城在州南南詔時清平官楊祐者築梅堂阿葛籠蒙琮籠白籠集興籠諸城相望為犄角之勢撫定蠻民甚

有威德此即其所築也

舊廣南衛在今府治東南又有雲南左右中前後五衛在府城內洪武十五年之所築也俱裁

楊林堡守禦千戶府在廢楊林縣東五里洪武三十五年建所城周圍計二里屬雲南都司又有安甯州

宜良易門二縣俱置守禦所于城內云今皆廢

武定直隸州在省西北其地東至曲靖府尋甸州界一百二十里西至楚雄府大姚縣界二百四十里南至雲南府羅次縣

界三十九里北至四川會理州界三百里東南至雲南府富

民縣界四十五里西南至楚雄府定遠縣界八十六里東北

至會理州界三百里西北至會理州界三百一十里由府至

省二百四十里東西廣三百六十里南北袤三百三十九里

東至祿勸縣界十五里西至元謀縣界一百八十里南至雲南府羅次縣界三十九里北至祿勸縣界十五里東南至雲南府富民縣界五十里西南至雲南府祿豐縣界一百二十里東北至祿勸縣界十三里西北至楚雄府大姚縣界二百

里州西一百九十里為元謀縣東至州界四十里南至州界十五里北至州界九十里東南至州界三十里西南至州界十五里遠縣界五十六里東北至州界一百里西北至大姚縣界一百里州東北二十里為祿勸縣東至曲靖府尋甸州界一百里西至州界十里南至州界五里

北至四川會理州界三百里東南至州界三十五里西南至州界三里東北至尋甸州界二百四十里西北至會理州界三百里北一百九十里為撒甸東至東川府界一百四十里南至祿勸縣界一百八里北至四川會理州界一百四十里東南至祿勸縣界一百里西南至州界八十里東北至東川府界一百二十里西北至會理州界一百三十里

禹貢梁州南境後為滇國地漢屬益州郡後漢屬建甯郡晉以後因之隋為昆州地唐為宋州地屬戎州都督府天寶以

後沒于南詔宋時大理段氏使烏蠻阿廟治此舊名羅婺部

志云以其遠祖元憲宗四年內附尋置羅婺萬戶府至元八

年更置北路總管府十二年更為武定路元志至元八年並羅婺為部名江德于矢二部更

置武定路明為武定軍民府通典府為南詔三十七部之一明初襲知府正德中弄積三世孫阿英改姓鳳裔異謀死子朝文嗣嘉靖六年叛附尋甸同土舍安銓犯會城土婦瞿氏撫子守土久之死朝文養子繼祖謀奪嫡四十五年乾隆三十五年

年即和曲舊治改為武定直隸州領縣二州四維千里削壁懸巖水甘草茂宜於畜牧亦蠻服之雄也且北渡金沙接境

戎焚蜀境之險州實並之而地接昆明旦暮可達州境有變必蔓於會城嘉靖六年鳳朝文助尋甸之亂直犯會城四十年鳳繼祖復構豐掠富民羅次糾東川夷酋

攻曲靖尋甸所至搖動萬歷三十五年土酋阿克等復作亂直抵會城外坊市悉被劫焚還攻元謀諸城未及一月陷一府三州四縣尋甸叛酋亦應之陷嵩明逼楊林官兵拒卻之還攻尋甸陷祿豐官軍四面合擊追至東川盡擒其黨

南甸廢縣 舊附郭內蠻名漢取龍又名漢甸說曰南甸元至元中置南甸縣屬武定路明初改屬和曲州嘉靖末縣廢尋又改築土城移和曲州入郭內隆慶三年復移建石城于獅山之麓即今州治也萬曆四十六年崇禎十三年屢經修築周二里有奇

宗居廢縣 在州西北唐武德四年置西宗州貞觀十一年止稱在府東二里志云武侯初過大渡河駐節于此今故城遺址猶存

虛仁驛 在州北圖經州北有虛仁環川等站達于四川會州衛境自昔往來通道也利浪驛在州南八十里輿程記又東南七十里即今雲南城矣

元謀縣原名華竹元至元中置縣屬和曲州明初因之土官吾姓嘉靖中改流官

元馬塚 在城北二十里按南中志會無縣有元馬日行千里死于此遂埋焉有塚有祠土人呼馬為謀故名元謀

祿勸縣唐羈縻宋州地蠻名洪農祿券甸雜蠻所居元至元中置祿勸州屬武定府明因之今改為縣

石舊廢縣 縣東五里舊有四甸曰掌鳩曰法塊曰棟檜曰曲蔽後為掌鳩為石舊元至元中置石舊縣屬祿勸州明初因之正德中廢志云今城舊土垣不及一里萬曆七年改築城周一里有奇

易籠廢縣 縣北八十里地名倍揚有二水相合繞城而東蠻謂水為洩城為籠又訛洩曰易故曰易籠也昔為羅婺大酋所居羣酋會集于此元至元中置易籠縣屬祿勸今省

大理府在省西其地東至楚雄府姚州界二百八十里西至永昌府保山縣界六百八十里南至蒙化廳界七十里北至鶴

慶州界一百五十里東南至蒙化廳舊定邊縣界一百三十里
 西南至蒙化永昌二府廳界一百五十里東北至永北廳界
 四百一十里西北至麗江府界六百二十八里由府至省八
 百九十里東西廣九百六十里南北袤二百二十里附郭為
 太和縣東至賓川州界二十里西至蒙化廳界六十三里南
 川州界三十里西南至瀾滄江界三百八十里東北至賓
 沙江界三百五十里西北至麗江府舊蘭州界五百里府
 南六十里為趙州東至雲南縣界六十五里西至蒙化廳界
 里北至太和縣界二十里東南至雲南縣界六十五里西南
 至鎮南州界二百三十里東北至賓川州界三十里西北至
 永昌蒙化二府廳界一百四十里為雲南縣東至楚雄府
 廳界一百里府東南一百四十里為雲南縣東至楚雄府

百里西至趙州界二十五里南至趙州界一百里北至賓川
 州界四十里東南至姚州界八十五里西南至趙州界四十
 五里東北至白鹽井界二百
 里西北至賓川州界四十里
 四十里西至浪穹縣界二十五里南至永昌府永平縣界八
 十里北至永北廳界一百四十里東南至太和縣界二十五
 里西南至雲龍州界三十里東北至永北廳界一百一十里
 廳界一百里西北至浪穹縣界九十里府北一百一十里
 為浪穹縣東至鶴慶州界一百二十里西至雲龍州界一百
 里東南至鄧川州界八里北至劍川州界六十
 里東北至鶴慶州界五十五里西南至永昌府永平縣界一百
 里府東一百二十里為賓川州東至雲南縣界四十里西至
 雲南縣界五十里北至永北廳界三十五里東南至姚州界
 四十里西南至趙州界五十里東北至永北廳界一百二十
 里西北至鶴慶府西五百里為雲龍州東至浪穹縣界九十
 里西至永昌府保山

縣界一百八十里南至永昌府永平縣界八十里北至麗江府界一百一十里東南至浪穹縣界二百四十里西南至保山縣界一百九十里東北至麗江府舊蘭州界一百三十里西北至野人界二百二十六里府南三百里為十二關長官司東至白鹽井界一百二十里西至雲南縣界一百五十里南至姚州界三百里北至賓川州界一百七十里

禹貢梁州南境漢武開西南夷此為益州郡地後漢時屬永昌郡蜀漢屬雲南郡晉初因之永嘉中又分置東河陽郡

沈約志云晉永嘉五年甯州刺史王遜分永昌雲南為東河陽郡領東河陽楛榆二縣宋齊因之梁末沒

于羣蠻武德七年為羈縻雲南州地亦謂之昆瀾唐武德四年昆瀾即漢之昆明在爨蠻西以西洱河為境貞觀八年改為匡州天寶以後沒于

南詔南詔偽建都邑于此亦謂之西京後又改為中都石晉時段氏代有其地稱大理國元憲宗三年收附六年立上下二萬戶府至元七年改置大理路明洪武十五年改為大理府領州四縣三長官司

一 國朝因之府西依點蒼東環洱水山川形勝雄于南服武侯南征規取其地於是收資儲以益軍實進勁卒以增武備遂能用巴蜀之眾屢爭中原唐之中葉蒙氏負嵎于此乘間抵隙常為蜀肘腋患段氏承之撫有城池保其險塞推長羣蠻者亦三百餘年蒙古取其地益成包并東南之勢蓋地雖僻遠而封壤延袤關山衿帶西南都會滇洱其競勝者矣

太和縣附郭漢葉榆縣地屬益州郡後漢為楛榆縣屬永昌郡
晉屬雲南郡永嘉以後屬東河陽郡宋齊仍為楛榆縣梁末
廢于蠻唐為羈縻巨州地開元二十六年南詔皮羅閣逐洱
河蠻取太和城蓋蠻所置也其後遂據其地段氏因之元
立太和上中下三千戶所至元中改置理州及河東縣後省

州改縣曰太和

太和故城在府南十五里今城本羊苴咩城也唐開元末皮羅
閣取太和城遂徙居之其城周十餘里夷語以坡陀
為和在城中尊之曰太城因以名閣羅鳳亦竊據于此天寶
十三年劍南留後李宓擊南詔深入至太和城以糧盡引還
為蠻所覆貞元中異牟尋寇西川敗還懼築羊苴咩城延袤
十五里徙居之改號曰大理自是太和別為一城故城漸廢

太和之名遂移于羊苴咩城今故城猶為太和村雲南記羊
苴咩城在點蒼中峯下即古楛榆城也蠻語訛為羊苴咩亦
曰陽咀咩城南去太和城十餘里貞元初異牟尋築此城七
年西川帥韋臯遣判官崔佐時至羊苴咩城說異牟尋使歸
唐宋時段氏據此亦謂之大理城明洪武十七年復因故城
修築磚表石裏二十五五年復展築東南河深三里周十二里
南門曰承恩東門曰通海
西門曰蒼山北門曰安遠

楛榆廢縣在府東北漢縣治此本曰楛榆境內又有姑繒夷始
元初益州廉頭姑繒民反殺長史後三歲姑繒楛榆
復反後漢建武十八年葉榆弄棟諸種叛殺長史尋討平之
元初六年永昌諸郡蠻復叛益州刺史張喬從事楊棟兵至
葉榆敗之晉亦曰楛榆縣宋齊因之後廢又東河陽廢縣亦
在府東晉永嘉中置屬東河陽郡宋齊因之梁末郡縣俱廢
于蠻

勃弄廢縣在府東百里亦曰勃弄州隋開皇十七年史萬歲擊
南宵叛夷入自青蛉川經弄棟次小勃弄大勃弄至

南中渡西洱海唐永徽初青蛉弄棟西白水蠻與大小勃弄蠻酋相誘為亂遣趙孝祖為朗州道行軍總管將軍討破白水蠻孝祖言小勃弄大勃弄常誘弄棟為亂請遂西討詔可明年西入小勃弄酋長汲盛屯白旂城破斬之進至大勃弄獲其酋長楊丞頗悉破降其眾始改雲南縣為匡州唐史弄棟西有大勃弄小勃弄二州蠻其西與黃瓜葉榆西洱河接武德七年治雲南州貞觀三年改為匡州領弄勃匡州二縣後沒于蠻州縣俱廢

史城

府北四十里隋開皇中農溉既降復叛史萬歲討之入南中過諸葛武侯記功碑渡西洱河此其駐師處也唐大歷十四年異牟尋立初遷史城貞元初引土蕃寇蜀敗還四年始改築羊苴咩城徙居之稱日東王海記史城即太和縣喜洲險元初嘗置喜洲旋廢蓋謫史為喜也九重城在府境九重猶言九座志云南詔境內有九重城皆備土蕃而設一在河尾里一在關邑里一在太和村一在北河一在蟠溪里一在磨橋一在摩用其二城則羊苴咩城史城也又金剛城在點蒼山佛頂峯麓亦南詔所築

趙州漢櫟榆縣地後為羅落蠻所居唐為匡州地蒙氏為趙州

險唐志蒙氏使趙康居此因以名險夷謂州為險也讀若簡尋改趙郡又為趙州段氏時

白天水郡元初為趙險千戶至元中改為趙州屬大理路明

因之領雲南縣 國朝改縣屬大理府州為往來之孔道控

蒼洱之要冲山川廻抱原隰沃衍蒙古取大理先下趙州明

初大軍入趙州遂經營兩關謂上下兩關也進薄大理蓋攻取之先

資矣

趙

今州治志云州初無城郭明初遷州治于三耳山或即奇引水為垣屹然險固

白崖城

州東南九十里滇略云即古彩雲城也漢元符初王然

彩雲見于白崖蜀漢建興中丞相亮南征斬雍闓于白崖川

師還命龍祐那為酋長祐那始于白崖山下築彩雲城其

後又謂之白崖城唐時蒙氏以白崖為境內十賧之一貞

元十年異牟尋大破土番于鐵橋並破施順二蠻虜其王置

白崖城是也唐書自戎州開邊縣南行至白崖城三千里而

近宋高祐十二年元太弟攻大理至白崖築壘于白崖南東

七里尋置白崖千戶所至元中改置建甯縣屬趙州尋省嘉

靖二年增置大理府督捕通判駐此四十二年築土城為捍

衛萬歷末裁通判不復設而居民殷阜儼若城邑今通

判駐彌渡其繁麗十倍白崖城亦蒙氏所築故址猶存

安東城州東二里滇略云蒙氏安東將軍李專諸所築城東一

里時駐此今州西二十五里有諸葛武侯營壘遺址李宓征雲南

土如山即解于仲通及宓喪師處也

雲南縣漢元封初置雲南縣隸益州郡後漢改屬永昌郡蜀漢

建興二年置雲南郡治晉宋至梁皆因之唐為匡州匡川縣

地後張仁果據之號白子國蒙氏改為雲南州段氏因之元

初曰品甸千戶所至元中復曰雲南州尋降為縣屬大理路

明初改隸趙州今仍屬大理府

雲南故城在縣南滇略漢武時彩雲見于白崖縣在其南故曰

雲山疑亦雲南之譌矣唐志自戎州邊縣西南七十里至

曲州又二千五百里至雲南城即此城也後遷今治志云今

縣東又有廢城即唐時匡川縣治後廢

雲平廢縣在縣東本雲南縣地晉咸平五年析置雲平縣屬雲

略云鏡州城在今縣治西南蓋即雲南州之別名矣

雲南驛

在縣東其相近有古城村或以為古雲南郡城也自邑而西又八亭入于趙州之定西嶺力士營在縣南九里相傳諸葛武侯駐兵之地

鄧川州漢益州郡楛榆縣地唐初為遼備州隸姚州都督府後

為遼賧詔所據南詔併之置鄧川縣復改為德源城段氏因

之元初立德源千戶所至元十一年改鄧川州隸大理路明

初因之

土知州阿姓隆慶三年改設流官

領縣一國朝改縣入府州峭山

深塹控據邊陲號為險要

德源城

在州治東亦曰大釐城唐時遼備州治此開元二十六年皮羅閣取石和城又取大釐城是也後為德源城元

因置德源千戶所志云州水患頻仍遷徙靡定舊無城郭崇禎十三年遷治鄧川驛建土城周六里有奇未竟為山水決壞

甯北城

州北三十里唐時蒙氏所置滇記唐貞元十五年異牟尋謀擊土蕃以甯北等城當寇路乃峭山深塹修戰備為北道之固是也

廢會州

在州東境或曰即漢時姑繒夷之地唐武德四年置會州會縣兼領三都神泉龍亭長和四縣後廢舊唐書會州是也

浪穹縣漢葉榆縣也蠻名瀾茨即浪穹詔所居唐武德初浪穹

州蠻旁時昔等二十五部先附吐蕃至是來降詔以旁時昔

為浪穹州刺史統其眾開元初其王鐸羅望與南詔戰不勝

移保劍川更稱浪劍貞元中為南詔所破亦置浪穹州於此

統浪穹施浪鄧賧之地段氏因之元初改置浪穹千戶所至

元十一年改為縣

鳳羽廢縣

縣西南四十里蒙氏所置以鳳羽山為名或曰元時亦嘗置縣屬鄧川州旋廢今為鳳羽鄉志云鳳羽西

二十里為羅坪關北五里至江門峭

安甯城

在縣北唐天寶八載雋州都督何履光以兵定南詔蠻浪穹城及五鹽井復立馬援銅柱是也滇記縣西南有

石和城唐開元末施浪酋彝分兵據此以拒南詔南詔襲取之遂取其地

賓川州漢益州郡地後漢屬永昌郡晉屬雲南郡唐為匡州地

蒙氏為太和楚場地段氏因之元亦為太和縣地明宏治七

年建賓川州割太和縣九里趙州屬大理府州控姚安之肘一里雲南縣二里置

腋蔽大理之肩背衿帶山川東西聯絡屹為形要

諸葛城

在州西二里虎踞山上相傳為武侯駐兵處明改建今州築城為州治周三里有奇

雲龍州漢益州郡地後漢永昌郡地晉為西河郡地宋齊晉梁

因之唐初為匡州西境蒙氏謂之雲龍甸段氏因之元至元

末立雲龍甸軍民府明初改為雲龍州屬大理府土知州段氏萬歷四

十八年改流官又裁五井提舉司以鹽課歸州州藩衛大理衿帶永昌密邇生蕃為

西陲要地

雋唐廢縣

在州南漢縣屬益州郡後漢屬永昌郡古今注永平十年置益州西部都尉治雋唐鎮撫哀牢檉榆蠻夷

是也晉仍屬永昌郡後廢南詔為雲龍甸地元始為軍民府治明改縣為州萬歷三十三年始築土城周三里有奇

北蘇廢縣

在州西漢縣屬益州郡後漢屬永昌郡晉初因之咸和中分東河陽郡置西河郡治北蘇縣宋齊因之梁

廢末

洱海衛

在雲南縣治西四十里彌渡洪武二十二年建今廢歸縣

大羅衛

在賓川州治東鎮英山下州境舊為荒原宏治中置州及衛得古碑曰大羅城因以名衛楊慎云雲南諸城西

上永昌經途所屬多防寇曰金雞廟赤石崖螳螂龜山鐵索等其諸夷皆以劫掠為雄宏治中始州賓川而衛大羅城彌渡而戍普湖皆以弭盜變嘉靖初巨寇就擒道路始甯金雞廟在雲南縣境

麗江府在省西北其地東至永北廳界四百里西至怒夷界六

百七十里南至大理府浪穹縣界二百四十里北至中甸界

四十五里東南至永北廳界二百零八里西南至大理府雲

龍州界六百一十九里東北至永北廳界三百七十里西北

至維西界四百五十里由府至省一千二百四十里東西廣

六百七十里南北袤三百一十里附郭則為麗江縣東至鶴

劍川州界三百二十里東南至鶴慶州界四十里西南至

慶州東至永北廳界一百二十里西至劍川州界五十里南

里東南至永北廳界一百二十里西南至大理府浪穹縣界

一百八十里東北至永北廳界四百八十里西北至劍川州

界五里府西南一百二十里為劍川州東至鶴慶州界四十里

十里東南至大理府浪穹縣界一百二十里北至麗江縣界一百

十里東南至鶴慶州界四十里西南至大理府雲龍州界一

百六十里東北至麗江縣界二十五里
府西北五百五十里為維
里西北至麗江縣界七十五里
西東至麗江縣界七十五里
南至麗江縣界七十五里
至中甸界三百二十里
四百八十里為中甸
東至麗江縣界二百三十里
西至維西
十四里北至四川裏塘界二百八十里
百五十里西南至維西界二百一十里
東至裏塘界一百
西界一百四十里

禹貢梁州南徼地漢為越雋益州二郡地後漢兼屬永昌郡
或曰即古白狼地後漢永平十七年白
狼王唐敢作詩三章頌漢功德即此
隋屬雋州唐因之後
沒于蠻為越析詔貞元以後屬于南詔置麗水郡唐宋時廢

些蠻據此大理不能有元初擊降之
元史麗江路自漢至隋唐時為越雋郡西徼北

麼些蠻居此為越析詔二郡皆烏蠻種也
鐵橋後歸南詔宋時復據此憲宗五年征大理從金沙濟江麼些負固不服四年春

置麗江路軍民總管府二十二年府罷更立宣撫司洪武十
五年改麗江府既又改為軍民府南屏大理北拒吐蕃為

西北之冲要南詔與吐蕃相持恒追逐于此蒙古降摩荻
名一

摩沙即摩進取大理郡其道也
明史萬歷三十一年稅監楊榮令麗江土官木增退地聽開採按臣宋興祖言麗江木氏世有其地守石門以絕西域守鐵橋以斷吐蕃不宜自撤藩籬貽悞封疆不報

麗江縣附郭古笮國地名三賧蠻為定笮縣地屬越雋郡唐改

定答曰昆明屬嵩州又升為昆明軍天寶末為越析麼些詔所據後并于南詔宋時獠蠻居之後復為麼些蠻所據元初置三賧管民官至元十四年改為通安州明因之乾隆三十六年改稱麗江縣

廢寶山州

漢益州郡邪龍縣後漢屬永昌郡唐為麼些蠻所據元初內附名其寨曰察罕忽魯罕至元十四年置寶山縣十六年升為州屬麗江

廢蘭州

東漢永昌郡博南縣地唐時屬于南詔為獠蠻所居元志作蘆鹿蠻地名羅眉川宋時大理段氏置瀾滄郡于此一統志段氏使董慶治此後有周姓者強盛遂與董分為二郡以江為限元初皆內附元至元十二年置蘭州屬麗江路明初因之仍曰蘭州今屬劍川州麗江縣分治

廢巨津州

古西番地唐時為羅娑九賧伏獠二蠻所居後麼些蠻奪其地南詔又併之屬麗江節度元初內附至元十四年于九賧立巨津州屬麗江路

臨西廢縣

在巨津北志云縣在府西北四百六十里為大理極邊險僻之地麼些二種蠻居此夷名羅泉元至元十四年以其西臨吐蕃置西臨縣屬巨津州洪武十六年改屬府正統二年為蕃人所居僅存一寨後亦革去滇略臨西亦稱刺標郡今為他照和村

鶴慶州禹貢梁州徼外地東漢為永昌郡西北境唐為越析詔

地名

鶴州又天寶中屬于南詔太和中置謀統郡蒙氏勸地名樣共州又南詔初徙羊苴宋時段氏因之元初置鶴州尋樣共川置又鶴拓即此地也

改二千戶仍稱謀統

屬大理至元十一年復為鶴州二十三萬戶府

疆域

三

苑

年陞為鶴慶府後又改為路洪武十五年復為鶴慶府旋改為軍民府乾隆三十六年改為州屬麗江府州山川明秀內

固大理外控番戎險阻足據平原可耕亦要地也

鶴州城今州治宋時大理所築元置鶴州後廢洪武十五年因舊址立柵為守永樂初甃以磚石嘉靖十九年復拓舊址改築號曰新城惟北門月城尚因舊垣萬

歷二十八年復修城浚濠今城周四里有奇

廢副州在州境一統志廢安州亦在府境

劍川州古蠻夷地唐時為義督羅魯城一名劍川志云唐顯慶初浪穹詔與

南詔戰不勝走保劍川更稱浪劍貞元初南詔擊破之盡南

奪劍共諸州地其酋徙居劍賤西北四百里號劍羌云

千戶所改為劍川縣屬鶴慶路洪武十七年陞為州乾隆三

十六年改屬麗江府州控扼西番藩屏內地亦稱形勝

望德城在州南三里周五百丈段氏所築今為民居名水砦村

志云州治舊無城崇禎末始築土城云

羅魯城在州南十五里唐所築今在瓦窰村北羅魯夷語海也志云州東北六十里有達子城即蒙古入大理駐師處一云在州南百

廢順州古蠻存地唐時地名牛賤南詔徙清浪人居之與羅落

蠻雜處元志順蠻種本居劍川唐貞元間南詔異牟尋

破之徙居鐵橋大婆小婆三探覽等川其酋成斗族漸盛自

楚雄府在省西其地東至雲南府祿豐縣界二百五十五里西

至大理蒙化二府廳界二百二十五里南至元江直隸州界
 三百里北至四川鹽源縣金沙江渡口界五百三十里東南
 至雲南府昆陽州界二百三十里西南至景東廳界二百五
 十里東北至祿豐縣界一百五十八里西北至永北廳界七
 百五十里由府至省四百二十里東西廣三百八十里南北
 袤九百二十五里附郭為楚雄縣 東至廣通縣界四十里西
 南安州界四十五里北至定遠縣界四十五里東南至南安
 州界四十里西南至鎮南州界一百三十里東北至廣通縣
 界四十里西北至 府西北七十里為鎮南州 東至楚雄縣界
 姚州界九十里 州界九十里南至楚雄縣界二十里北至姚州界五十里西至姚
 州界九十里南至楚雄縣界一百八十里西南至大理府趙州界二百二

十四里東北至定遠縣界二十里 府東南五十里為南安州 東
 雲南府易門縣界七十里 雲南府易門縣界一百四十里西至楚雄縣界十里南至景
 東廳界二百五十里北至楚雄縣界五里東南至雲南府昆
 陽州界一百八十里西南至易門縣界一百里東北 府北一
 百二十里為定遠縣 東至廣通縣界四十五里西至鎮南州
 至大姚縣界一百三十里東南至廣通縣界四十里西南至
 鎮南州界二十五里東北至武定州元謀縣界九十里西北
 至姚州界 府東七十里為廣通縣 東至雲南府祿豐縣界八
 三十里 里南至南安州界九十里北至定遠縣界四十里西至楚雄縣界三十
 南府易門縣界六十里西南至南安州界九十里東北至武
 定州元謀縣界九十里西 府北二百二十里為姚州 東至定
 北至定遠縣界八十里 七十里西至大理府雲南縣界一百四十里南至鎮南州界
 七十里北至大姚縣界二十五里東南至定遠縣界九十里

西南至大理府雲南縣界二百七十里東北至大姚縣界二十五里西北至雲南縣界二百四十里
府北二百八十里為大姚縣東至武定州元謀縣界一百四十里西至姚州界三十里南至姚州界四十五里北至四川鹽源縣界二百一十里東南至定遠縣界一百三十里西南至姚州界三十里東北至四川會理州界三百六十里西至姚州界三百四十里為直隸白鹽井東至金沙州界四十里府北三百四十里為直隸黑鹽井東至武定州治二百里西至姚州治一百二十里南至姚州治一百二十里北至鐵鎖橋一百二十里東南至大姚縣治九十里西南至大理府雲南縣治二百四十里東北至阿拜河十里西北至天乙山五十里府南一百七十里為碛嘉東至南安州界六十里西至景東廳界四十里南至元江州新平縣界七十里北至楚雄縣界五十里府東北一百五十里為直隸黑鹽井東至武定州治二百里西至縣治八十里北至元謀縣治一百五十里東南至雲南府祿豐縣治一百五十里西南至琅井治三十里東北至定遠縣

治二里西北至府東北一百二十里為直隸琅鹽井四界俱屬定遠縣
姚州治二百里禹貢梁州徼外漢益州郡後為雜蠻耕牧地一統志晉咸康中嘗于此置安州尋罷據宋志晉成帝咸康四年分牂牁夜郎朱提越巂四郡為安州安州未嘗置此夷名我喙後爨酋威楚築城我喙居之因名威楚城唐貞觀末諸蠻內附為我望覽邱永等州地唐史貞觀二十三年遣將擊西爨開蠻皆內屬以其地置我望覽邱永五州屬朗州都督滇志五州惟永州在澂江新興州境內餘俱在府境天寶末沒于南詔屬銀生節度尋改銀生府于此大理時以銀生屬姚州此為富筮賧又改白鹿部後改威楚郡元初內附置威楚萬戶府至元八年改為威楚路後又置威楚開南等路宣

撫司于此明初改為楚雄府近部有羅領州二縣三乾隆三

十五年裁姚安府以姚州大姚縣屬之府當四達之衝東衛

滇郡西連大理南控魯奎北接四川山川清秀土壤肥饒鹽

井之利商民走集稱為大郡

楚雄縣附郭南詔時為安州威楚縣後為爨蠻所據大理時屬

于朗州元初置千戶所至元十五年改置威州二十一年降

為威楚縣明初改今名

德江城在府城西北二里志云威楚在蒙詔時為斂生黑背之

鄉因置銀生節度至段氏中葉高昇太執國柄封其姪今府西北二里有德江村或云即故城處也今城明初洪武

十六年征蠻都督袁義所築又以南山高峻逼近城郭蠻寇

據以臨城是資敵也遂改築石城保山為險歲久漸圯隆慶

四年改築萬曆二十八年東南城圯于

阜民廢縣在府東元至元中置尋省入威楚縣今屬阜

呂閣驛府西四十里古名合關灘元至正末梁王孛羅敗明玉

珍將萬勝于合關灘既而珍入雲南大理段功進兵至

廣通縣蠻名古路賧元初置古路驛千戶至元十六年改為廣

通縣隸南安州明初改屬府今因之

捨資驛縣東四十里滇程記曰雲南府祿豐縣七亭而崎達捨

境自捨資驛四亭而達縣為路
甸驛有十八灣坡清川橋之勝

定遠縣地名曰直賧雜蠻所居唐為姚州地一云本鬲州地天
寶中沒于南詔使爨酋築新城于此曰耐籠後入于段氏元
初置羊州千戶羊與姚同音也至元十二年改置定遠州後
降為縣屬威楚路今因之

南甯城

在縣南地名黃蓬穿滇志宋紹聖中段氏臣高昇太徒
民五百戶于黃蓬穿元初設黃蓬穿百戶至元十二年
改為南甯縣尋省入

白久寨

在城西化佛山明土酋自久據山為寨以捍官兵被
擒赴京上問故曰奴為主耳稱旨使世襲指揮使

南安州古蠻夷地爨蠻居此寨名摩芻元初置摩芻千戶所屬
威楚萬戶至元十二年改置南安州隸威楚路今因之州山

嶺稠疊林麓四周為險要之地

南安城

古摩芻寨也元築土城明
初因之城周一里有奇

廢磔嘉縣

本夷獠地曰黑初元至元中置磔嘉千戶後改為
縣屬威楚路明因之今裁以南安州州判治其地

鎮南州古蠻夷地濮落蠻所居州名欠舍亦曰沙卻唐上元中
蒙氏置俗富郡于此後屬于段氏元初置欠舍千戶至元二
十二年改為鎮南州屬威楚路今因之州山川環帶舟車往
來走集之郊也

和子城

州東二里唐上元中南詔閣羅鳳擊東爨侵我喙和子
城即此也元始築土城城為州治明初廢宏治間改築

嘉靖中圮四十年因舊治築萬厯四十年易以磚周三里有奇

沙橋驛

州西三十里又有舖有堡俱以沙橋名皆在州西三十里又西七十五里為普湖驛滇程記自州三亭而崎達沙橋有鴛鴦白塔二坡自茲北八亭而遙達普湖土人稱坡漚為湖也途經鸚鵡關七里陂普昌關麥地哨道列巨箐危石為險扼之所

姚州古滇國地漢屬益州郡後漢因之蜀漢屬雲南郡晉初因

之東晉咸康初析置興甯郡宋齊因之梁末沒于羣蠻

唐武德中置姚州

初為姚州總管府貞觀四年改置都督府于戎州通典姚州麟德元年置其人多姚姓因名劉昫曰武德四年安撫大使李英奏置姚州麟德元年始移于弄棟川也又咸亨三年永昌蠻叛寇姚州調露二年永昌蠻復寇姚州敗州兵于是廢姚州天寶初曰雲南郡垂拱四年復置仍為都督府督羈縻諸州

既而蒙氏據其地

天寶七載州為南詔蠻所陷十二載復置戍守於此尋為蠻所陷改置弄

棟府

又置弄棟節度于此為六節度之一宋時段氏改為統矢邏又改為姚州

亦曰姚府

歐陽元曰段氏以姚州為姚府居八府之一滇志段思平改弄棟府為統矢邏段政嚴時封高太明

之子明清為演元憲宗三年內附七年立統矢千戶所至元習官世有其地

十二年改置姚州屬大理路天歷初陞為姚安路明初改路

為府尋又改姚安軍民府

府州佐皆高明清之後也明清七世孫曰泰祥宋理宗二十二年蒙

古攻略至境祥泰悉力拒守被執不屬見殺元太弟因今裁官其子仲至今不易所屬夷曰散摩都羅羅強悍好鬪

府以附郭之姚州改屬楚雄府州道通越嶲絡繹滇洱為南

北之要會諸葛武侯平南中渡瀘水而南隋史萬歲略西洱

亦自青蛉弄棟而入唐永徽三年趙孝祖平青蛉弄棟西白

水蠻遂請略定西裔孝祖上言貞觀討昆州烏蠻始開青蛉弄棟為州縣有小勃弄大勃弄三川勃

弄以西與黃瓜葉榆西洱河相接人眾殷富多于蜀川請麟

因破白水蠻之兵使西討從之遂略定大小勃弄之地德初武陵縣主簿石子仁建言姚州在永昌之北越嶲之南

此地有重岡修谷平疇廣川東有金沙江之利西接雲南州

之勝距威楚瞰點蒼最為險要也請置都督府于昆明之弄

棟州屯兵鎮守以治葉榆瀾河諸蠻則羣蠻不敢橫而中國

長有鹽貝之利矣從之因置府于弄棟川咸亨以後南中漸

多事姚州廢置不恆神功二年蜀州刺史張柬之表言姚州

絕城荒外山高水深諸葛破南中使其渠帥統之不置漢官

國家既置姚州叛亂屢見延載中更置瀘南七鎮戍以蜀兵

自是蜀中搔擾乞罷姚州隸舊府并廢瀘南諸鎮於瀘北置

關禁止中國百姓不得與蠻無故交通往來以防亂萌不納

景雲中姚州蠻叛引吐蕃陷姚州於是姚嶺路絕開元二年

姚嶺蠻復來寇州軍討之為所敗天寶以後遂沒于南詔恆

以重兵守之閉塞漢人南入之道貞元中西川帥韋皋復通

南詔自清溪關出邛部經姚州謂之南路蓋自姚安而北則

渡金沙入越嶲自姚州而西則指葉榆趣大理自姚州而南

則出威楚向昆明為全滇之要會西南有事爭於滇蜀間者

自古恆在姚州也

弄棟廢縣

今州治志云州北有舊城漢弄棟故縣也縣境有蠻

後漢建武十八年棟蠶復與連然諸種叛殺長使尋平之自

晉至梁皆為晉甯郡治唐貞觀二十二年平西襲開青蛉弄

棟為縣既而以弄棟地置姚城瀘南等縣景雲初御史李知

古築姚州城蒙氏為弄棟府治大理至元皆因故址明始易

以磚石周二里有奇嘉靖七年築月城于南門外三十九年

復于城南增築土城四關皆土垣萬曆四十六年復增拓舊

城創設敵樓以壯形勝今城周六里有奇

瀘南廢縣

在州東北唐志新唐書武后垂拱初置長城縣屬姚

于瀘南即此又廢長明縣亦在州境唐置

屬姚州天寶以後沒于南詔與瀘南俱廢

澄川城

在州東杜祐曰澄川守捉在雲南郡東六百里唐開元

年中置姚州都督府以十三州隸焉會要麟德

初姚州都督管五十七州蓋皆羈縻蠻地云

普湖驛

府西南二百二十里西至大理府雲南縣六十里為往

軍敗賊自入于此又蹙賊于

馬哈山蘆頭山皆在州境

大姚縣

漢青蛉縣地屬雲南郡晉因之咸康中廢唐武德四年

置西濮州貞觀十一年改曰髡州治濮水縣後沒于南詔大

理段氏時屬姚州夷名大姚堡元初置大姚堡千戶所至元

中改置大姚縣屬姚州今屬楚雄府

青蛉廢縣

在縣北漢縣蓋治此常璩曰青蛉縣有鹽官是也亦

曰青蛉川隋開皇十七年史萬歲擊南甯叛蠻自青

鈴川入至南中唐貞觀四年擊西爨開青鈴弄棟二十三年

復遣將擊西爨蠻開青鈴弄棟皆為縣尋以青鈴縣屬鬃州

天寶中沒于南詔又有岐星銅山二縣

亦唐鬃州屬縣也天寶中為南詔所廢

楊波廢縣在縣東唐武德四年置袁州領楊波強樂二縣後廢

年改曰麻州領麻豫七部二縣又麻州之西曰廢徽州唐武

德四年置利州貞觀十一年改徽州領深利十部二縣後俱廢

馬西廢縣在縣北唐志武德四年置尹州治馬西縣兼領天泉

麓有武侯土城云縣東北馬鞍山

守禦姚安千戶所在城北洪武二十八年建又姚安中屯千戶

八年築永樂初易以所在大姚縣東二里舊為土城亦洪武二十

磚城周一里有奇

